

Cim

6201-

6203

PHILOSOPHIA
LVTHERANORVM
ET OMNIVM HVIVS TEM-
PORIS HÆRETICORVM, AB
IMPIETATE ILLIVS DIABOLICA ET VERSI-
pelli promanantium, ad gloriam Dei
& Ecclesiæ ipsius defensam olim
edita, nunc necessariò
repetita.

*Contra hæresiarchas & hæreticos, atque sectatores vtrorumque,
Catholicos simplices in damnationem æternam secus
leratè abducentes.*



CRACOVIAE,
In Officina Andreæ Petricouien,
M. D. L. X X X V I I I.

Cum hæretico congressuris pia
meditatio.

Augustin. in sermone super gestis cum Emerito
Donatist. Episcopo.

O Christe, qui es pax nostra, qui fecisti utraque vnum, fac nos vnum,
ut rectè cantemus, Ecce quam bonum & quam iucundum habitare
fratres in vnum. Introduc concordiam, pelle discordiam, introduce teipsum,
in titulos tuos. Tu mane, non alter possideat, & de tuis titulis fallat.
Tu muta istum contradicteorem, qui vna hora in cruce
mutasti latronem.

Max: in Dialogo contra Nest.

Resistendum, nec omnino parcendum hæreticis, confidentes in tali negotio,
sermonis copiam nunquam desuturam. Nam si Deus, ad confus.
tandam Prophetæ insipientiam, os asine aperuit, quanto
magis cor fidelis, referare dignabitur, ut per
fidorum dementia confutetur.

Cum. 6202

M. MARTINVS
PILSNENSIS, SACRÆ
THEOLOGIÆ DOCTOR, ET
IN VNIVERSITATE CRACOVIE.
PROFESSOR, ECCLESIAE CATHEDRALIS
*Canonicus, Christiano, Catholico, candido Lectori, Dei Opt. Max.
gratiam, salutem, pacem & prosperitatem diuturnam.*



EMINI CHRISTIFIDELIUM dubi-
um esse arbitror, Lector in Chri-
sto charissime, quia Spiritu sancto
inspirante SS^{mus} Pontifex SIXTVS
Diuina prouidentia Papa quintus,
& ouilis Christi vigilantissimus Pastor, atq; pe-
riculorum ipsi impendentium sollicitissimus in-
dagator, calamitatibus ex hæresum multiplica-
tione profectis, Ecclesiam vnam, sanctam, Ca-
tholicam, Apostolicam, & Regna Dominiaq; i-
psius hostiliter oppugnantibus, IVBILEO in for-
ma amplissima & largitionibus liberalissimis, per
vniuersum orbem non ita pridem transmissio, pru-
dentissimè occursum esse voluit. Quo thesauros
sanctæ matris nostræ Ecclesiæ Catholicæ, per
IESVM CHRISTVM in amarissima, sed preciosissi-
ma passione, nedū ad vnū, sed infinitos etiam mun-
dos, si exstarent, redimendos sufficientissimè su-

pererogatos aperuit. Et immortalium merito-
rum, innumerabilium Sanctorum ipsius passio-
nem imitantium, crucemq; eius vt salutarem, ita
desideratissimam in ædificationem corporis Chri-
sti vsque ad cōsummationem multipliciter por-
tantium, abundantiam copiosissimam, & ante
thronum DEI odoramentis fragrantissimam, in
medium Christianorum promulgauit. Eo institu-
to salubri & consilio saluari, vt omnia & singula
delicta, peccata, scelera, quantumuis conscien-
tiam prementia, & corda aggrauantia, ex eisdem
Ecclesiæ thesauris, misericordi & miseratori Do-
mino semper gratissimis redempta, dispareant &
euanescent. Præparatione per ieiunia, oratio-
nes, eleemosinas, afflictiones, per debitam pec-
catorum confessionem, & deuotam Sacrosanctę
Eucharistię communionem, diligenter præmissa.
Vtq; facti iam immaculati, à DEO OPT. MAX.
obtineant Ecclesiæ sanctę Catholicę pacem &
tranquillitatem, Regibus & Principibus Christi-
anis concordiam, hæreticis autem ex indomita
proteruia resipiscentiam, & cum Ecclesia Catho-
lica, vera sponsa IESV CHRISTI, reconciliatio-
nem. Quoniam ea neglecta vel contempta, cer-
tò & breui expectare debent sui eradicationem
ipsis damnabilem. Dum verò SS^{mus} D. N. Pon-
tifex, Pastor, Pater, preciosissimos Ecclesiæ san-
ctę thesau-

et thesauros protulit, ego quoque sacerdos, o-
uis, filius eiusdem, si aperiam & in publicum pro-
feram non thesauros preciosissimos, sed malefa-
næ prauitatis hæreticæ, militantis Antichristo,
contra Christum, & hosce thesauros, astutias,
fraudes, dolos, saluti hominum perniciosissimos,
ad eandem sollicitudinem ipsius prudentissimam,
pro Christo contra Antichristum, pro Catholicis
contra hæreticos, pro veritate contra mendaci-
um, operæ precium me facturum existimo. Vt
Catholici istis omnibus diligenter consideratis,
& prudenter examinatis, animaduertant, quàm
gnauiter Ecclesiæ Catholicæ adherere, & ab hæ-
reticis cauere, ipsosq; semper & vbique oppu-
gnare & expugnare debeant. Cuius quidem o-
peris attendendi, præstitit mihi occasionem, suo
libello subsequenti **PROFESSIONIS CATHOLICÆ**,
M. Sebastianus Flaschius Mansfeldensis, olim
pertinax Lutheranus, postea zelosus Catholicus,
decem annis abhinc impresso, at per hæreticos,
ne impia secreta eorum in vulgum spargat, su-
presso. Quapropter mihi æquum visum est, vt
quò studiosius editio eiusdem ab illis occultata
& abscondita, eò magis emineat & appareat.
Quem quidem libellum, ab hæreticorum secta-
tore mordaci, sed ad Catholicismum, Diuina cle-
mentia, satis iam disposito, ideoq; hæresum om-

nium detestatore assiduo, dono accepi, & denuo
imprimendum curavi: non tantum chartis hisce,
sed cordibus quoque & conscientiis hominum.
Donandi causa fuit, studium & desiderium me-
cum colloquendi de rebus Catholicis, & modo
redeundi ad Catholicismum. Desiderium verò
Catholicismi in ipso permouit Illustriss. & Re-
uerendiss. ANNIBALIS de Capua, Dei & Apo-
stolicæ Sedis gratia Archiepiscopi Neapolita-
ni, eiusdem Sedis Apostolicæ ad Serenissimum
SIGISMUNDVM III. vt Christianiss. ita Catholi-
ciss. vtinam & tranquilliss. semper, Regem PO-
LONIAE, & Dominia ipsius NVNCII oratio do-
cta, grauis, pia, acuta, prudens, diserta, in Con-
uentu generali Warssauien frequentissimo omni-
um Ordinum Regni, & Electorum Regis POLO-
NIAE publicè habita. Quæ sanè cuiusnam esset
NVNCIUS, simile enim simili gaudet, abundè de-
clarauit: & collata, ministrorum Antichristi hæ-
reticis orationibus, fabulas easdem esse & deli-
ramenta, hominibus bonæ existimationis neuti-
quam competentia, agnouit & spreuit. Neque
probrò sibi fore duxit, si ipsismet fabulosis ine-
ptiis & deliramentis furiosis, damnationem in-
fernalem inducentibus, vale perpetuum dicere
quàmprimum, & citra omnem cunctationem pa-
ratus esset. Verùm iam ipsummet authorem li-
belli &

belli & PROFESSIONIS CATHOLICAE buccina-
torem M. Sebastianum Flaschium, mihi, vt præ-
dixi, dono datum, intentione bona, corde ferui-
do, in spiritu mansuetudinis, mente Catholica,
legendum & diligenter expendendum, candide
Lector, pro salute animæ, si es Catholicus, reti-
nenda, si hæreticus, eadem recuperanda, aggre-
dere. Interim bene & diu in CHRISTO IESV
viue & vale: nec indignè feras prolixam esse epi-
stolam, quoniam subsequenti operis moles in-
tus existens eam parturiit. Ex Collegio Ma-
iorum Professorum Vniuersitatis Cracoui-
ensis, die x. mensis Iunii. Anno Dñi,
M. D. LXXXVIII.

AD LECTOREM.

Nulla bonis vnquam maiori creditur esse
 Res curæ, quam hominum, ritè paranda, salus.
 Qui vel declarant summi decreta Tonantis;
 Veræ monstrantes religionis iter.
 Acriter intrepidi vel dogmata falsa refellunt,
 Siue pio vocis munere, siue stylo.
 Accum multiplicis contra deliria sectæ,
 Et cæcos scelerum, perfida monstra, Duces,
 Non modo Sanctorum tot docta volumina Patrum
 Conatu iam extent euigilata pio;
 Ast horum quoque qui conuersi & mente recepta,
 Informe errorum deseruere chaos:
 Martinus præstans Pilsnana gloria gentis,
 Doctor diuini strenuus eloquii:
 Quo Rectore riget felix Academia: letum
 Altius & Musis exerit aucta caput:
 Noluit ipse nouum prudens aduersus eosdem
 Condere qua potuit dexteritate librum.
 Sed quod neglectum non vna æstate latebat,
 In lucem è tenebris protulit istud opus.
 Oblato quare feliciter vtere Lector
 Munere: Romanam semper amando fidem.
 Et perpende, Dei quid sponsa Ecclesia tantum
 A turbulentis perferat hæreticis.
 Cerne dolos horum, fallendi prouidus Artes,
 Quæcis hominum vexant mollia corda, vide.
 Conuictis tandem rumpantur vt ilia: contrà
 Tu peragas letos victor vbique dies.

In obstinatum hæreticum.

Qui lumen renuit manifestum cernere veri:
 Exemplo monitus nec sapit alterius:
 Dignus is est oculos amittere: cerite cera
 Dignus: at indignus regna videre Poli.

PRO-

PROFESSIO CATHOLICA
M. SEBASTIANI
FLASCHII MANSFEL-
DENSIS, NON VVLGARIS
ERVDITIONIS ET AVTHO-
RITATIS VIRI:

Vbi Lutheranam Hæresin, in qua & natus & à pu-
eris institutus fuerat, liberè abiurat, simulq;
abiurationis suæ causas adducens, fu-
catam illius sectæ naturam, & do-
los, quibus miseros deludit mor-
tales, breuiter, & accu-
ratè depingit.



B R I X I N Æ,
Donatus Fetius excudebat.,
M. D. L X X V I I I

D. D. IO. THOMÆ EPISCOPO
BRIXINENSI, ET SACRI IMPERII
Principi amplissimo.

M. Sebastianus Flasch Mansfeldensis
humillimus servus.

AD LECTOREM.

ANALYTICAL RATIO

RATIONES M. SEBASTIANI FLASCHII
MANSFELDENSIS,

Cur relicto Lutheranismō, ad Catholicam Romanam Ecclesiam se receperit.

SI qui sunt, qui causam scire volunt, quare ego M. Sebastianus Fläsch Mansfeldensis pertæsus Lutheranismi, in quo natus & educatus sum, & quem publicè & priuatim, tum in scholis, tum in templis propagare, & confirmare studui, nunc demum senex, & affecta prope modum ætate, ad Ecclesiæ Catholicæ gremium me contulerim: hi nō grauatim legere dignentur sequentes rationes, quas obiter & raptim collegi, nullam aliam ob causam, quàm vt me apud quosdam maleuolos sinistra suspitione ambitionis, cupiditatis, vel alicuius emolumenti corporalis, liberarem. Quibus rationibus vtinam acquiescerent, & ad conuersionem inuitarentur illi quoque, qui mecū sub eodē iugo captiuitatis Babylonice multis iam annis miseram seruitutem seruierunt.

I. Quòd satis superq; & quidem non sine admiratione deprehenderim, ex mutua vtriusq; collatione partis, lectione priuata, & Catholicorum publicis concionibus, Catholicos longè aliter sentire,

*Vide Dieten-
berg. in consus-
ta. Luthe. de vo-
tis et confess. vs
bi conuincit &
arguit eū 874.
mendaciorum.
In lib. contra
Emserum.*

tire, & docere, quàm à Lutheranis arguuntur, quòdque doctrinā Ecclesię Catholicę apertis mendacijs deformare, & in odium ac contemptū adducere de industria, & quidem contra conscientiam studeant & laborent. Sic enim habet Augustana Confessio, Catholicos docere, non concedendum esse, quòd gratis propter Christum remissio peccatorū detur. Item Apologia Augustanę Confessionis asserit, Catholicos ubiq; excluso Christo docere, mereri iustificationem per opera legis. Rursus, Catholicos Mariam Christo æquare, & id genus alia infinita, quę longum foret hīc ordine enumerare. Et profectò Lutherus ipse, eo loco haberi vult, vt si vel semel mentiri manifestè deprehendatur, tanquam infamis nebulo habeatur, qui nihil fidei mereatur in vllō scripto. Quare nemo mihi vitio vertere potest, quòd studio & amore veritatis, repudiato Lutheri Euangelio & scriptis, in quibus innumerabilia penè deprehendas mendacia, me ad Christi Euangelium, & Catholicę Ecclesię gremium receperim.

*De captiuitate
Babylō. & lib.
contra Papatū.* II. Quòd deinde ex libris Lutheri manifestè cognouerim, ipsum inuidia potiùs, quàm pio zelo ad scribendum incitatum: & ad euertendam Catholicam religionem, suas tetras & nouas opiniones propagare & stabilire voluisse.

III. Quòd etiam in eiusdem scriptis & Tomis tantam

tantam inuenerim verborum turpitudinem, & scur-
rilem obscenitatem, ut etiam lenones ipsos, &
omnem scortorum impudentiam facile vincat, qui-
bus cum plurimas paginas conspurcatas habeat,
non difficile esset exempla afferre, nisi pias & reli-
giosas aures offendere vereretur.

*Lib. contra Pap.
& Ioā. Farcim.
Item in sermo.
coniuualibus.*

III. Quod insuper certò compererim, Luthe-
ranos non modò integros libros (alioquin ab Ec-
clesia approbatos) tanquam apocrypha scripta, ex
sacrae scripturae catalogo reijcere: sed etiā libros,
quos retinent, passim in infinitis locis de industria
corrupisse ac deprauasse, ad nouam suam vanam
doctrinam meliùs confirmandam. Quod si adul-
terare monetam, vel Regias literas capitale cense-
tur, quanto magis scelus capitale existimandū est,
scripta Prophetica & Apostolica mutilare, peruer-
tere, & falsa interpretatione contaminare? Quem-
admodū Lutherus plerunq; facere consuevit, qui
conciliandae sibi maioris auctoritatis gratia, om-
nes alios, quantumuis pios interpretes ab ipso di-
screpantes, ex alto despicit & cōtemnit, nec quic-
quam valere finit, quàm quod ipse dixit.

*In praefatio. Bi-
bliae Lutheri.
Vide Emserū.
Vice. Dieten.
Staphil. Lindae
num.*

V. Quod item perspexerim, eos passim in inter-
pretatione scripturae ludere & comminisci, adde-
re & demere, quicquid libet, modò fuco aliquo
velari possit ad simplicibus imponendum. Sed de
suis corruptelis conuicti, sic à Magistro suo Luthe-

*Ad quendam do-
micum Tom. 4.
germ. Vitenbc.
folio 475.*

ro respondere docentur, Doctor Martinus Lutherus vult sic habere: & dicit, Papistam & Asinum esse rem vnam: Sic volo, sic iubeo, sit pro ratione voluntas: Nolumus enim Papistarū scholares aut discipuli esse, sed magistri ac iudices. Quis autem in hac causa non mallet audire & sequi versionem & interpretationem ab Ecclesia approbatam? vel item vocem Christi, & Apostolorū, quàm periuri & perfidi Monachi impudentem temeritatem?

VI. Quòd simul eò peruenerim in inquisitione veritatis, vt quę antea consentanea esse scripturę & Patribus credidi, ea nunc cum ipsis ex diametro pugnare, & longissimè discrepare notauerim.

VII. Quòd postea etiamprehenderim, eos non solum sacram scripturam, sed etiam sanctorū Patrum testimonia & scripta partim adulterare, partim ad stabilienda propria commenta vanè & sinistrè interpretari, & detorquere. Quodq; per Dei gratiam nunc tandem intellexerim, quàm mirabili & artificiosa fallacia hominum mentes perstringant in scripturis sacris mirificè extollendis, & citandis Patribus & Concilijs, cùm tamen non alio loco reuera sanctos Patres & Concilia habeant, quàm quo loco Alcoranum Mahometi, & Æsopi fabulas, & pluris in veritate axiomata sua faciant, quàm ipsam scripturam sacram. Nam quod ad Patres attinet, si autoritate eorum vrgeantur, vel impu-

vel impudenter reijciunt, vel si deprauare vel alio loco torquere non possunt, se eos recipere assentunt, sed quatenus cū scriptura consentiunt. Quasi non eatenus etiam Alcoranum, & Æsopi fabulas recipiant. Quomodo verò ad scripturam eos examinent, inde notum est, quòd non scripturam ipsam, sed sua dogmata, siue propria axiomata scripturæ regulam faciant. Nam si quod Concilium dicat esse Purgatorium, aut Missam esse sacrificium, statim reijcitur, non quia hoc vlla scriptura neget, sed quia eorum dogmatibus aduersatur. Ita Epistola S. Iacobi ad dogma Lutheri, Solà fides iustificat, est examinata; & quia dogma Lutheri euertebat, pro straminea est reiecta. Sic secundus Machabæorum ad alterum dogma examinatus est, Non offerendum vel sacrificandum pro mortuis: Et quia non quadrabat, in apocryphos reiectus est. Quis igitur credat, eos summam auctoritatem (vt videri volunt) scripturæ tribuere, cū nō solū Patres & Concilia, sed etiam ipsam Scripturam ad regulam suorū axiomatum examinent, explodant & reijciant?

VIII. Quòd ex scriptis S. Patrum didicerim, doctrinā Lutheri nihil ferè aliud esse, quàm quoddam chaos, & veluti farraginem quandam ex obsoletis hæresibus, & erroribus antiquorum hæreticorum collectam, quos iam dudum Concilia legitima

*Vide Sanderum
lib. 8. de Monarchia visibili
cap. 57. Lindanum de Tabul.*

gitima & S. Patres viuo Dei verbo magno consensu reiecerunt, refutârunt, anathematizârunt, & ex Ecclesia profligârunt.

*Vide Fabium de
antilogiis Luth.
Item Septicipis
tem Cochlei.
Contra Regem
Anglie aduersus
falso dictum
statum Ecclesi.*

IX. Quòd etiam animaduenterim Lutherum in multis locis à seipso longissimè dissentire, & crebro pugnantia dicere, atq; adeò semetipsum proprio iudicio damnare & mendacem reddere.

X. Quòd cùm ipse Lutherus iactet, se certissimum esse, quòd doctrina sua non sit sua, sed Christi, omnibusq; denegat salutem, quicunq; eam nò recipiunt, tamen obseruauerim, eum subinde de doctrina sua dubitare, imò asserere, se credere nò posse, vera esse, quæ tradidit & scripsit in libris suis. Nec mirum, cùm alibi fateatur, se ne Christo quidem credere posse, & eius verbis firmiter cōfidere, quippe qui affirmet se plus fiduciæ collocare in sua Catharina & Philippo, quàm in Christo.

*In 1. ad Timoth
cap. 2. Tom. 1.
Germ. Vitenb.
et super psalm.
43. Tom. 3. in
serm. conuiuia.
titulo de Prophetis
& Patriarchis. Item titulo
de operib. Dei, & titulo
de Christo, &
de sola fide.*

XI. Quòd ad hæc solidis argumentis conuictus sim, vt affirmare audeam & debeam, gregem Lutheranorum esse populum sine vera Dei Ecclesia, sine Sacrificio, Absolutione, Sacramento Altaris, veris Sacerdotibus & ministris. Ex quorum numero aliquot annis (proh dolor) me vnum quoq; fuisse fateor, & ex animo doleo, qui neq; ritè, neq; legitimè, seu modo Ecclesiastico vocatus, ministerium verbi & Sacramentorum apud miseram plebem administraui.

Nec pa-

XII. Nec parum inuitatus sum & hac ratione, quod Lutherani consci sibi de defectu veritatis, & errore, sententiam quandoq; suam munire cōtendunt Patrum autoritate & testimoniis, quibus vt videantur consentanea & verisimilia tradere, multa & varia ipsorū dicta insidiosè & perperam pro se citant, suasq; hæreses illis affingūt: quin & apertè de illis mentiri nō verentur. Atq; vt exempli gratia vnum atq; alterum afferam, Apologia Augustana affingit S. Augustino, quod scripserit, peccatum in baptismo remitti, non vt non sit, sed non imputetur: quod nusquam scripsit S. Augustinus, sed contrarium asseruit quàm plurimis in locis. Similiter Protestantes aduersus Concilium Tridentinum anno 62. asserunt S. Ambrosium negare per iustos nos ire posse ad Deum, cū tamen dicat, per istos (intelligens Paganorum Deos) nō posse iri ad Deum: sic vocem, Istos, de industria & fraudulenter corrumpentes & mutantes in Iustos. Sic etiam eadem Apologia Augustana apertè de S. Patribus mentiri non erubescit, affirmans, veteres scriptores ante Gregorium nullam fecisse Sanctorū inuocationis mentionem. Cū tamen Diuus Athanasius, Gregorius Nissenus, Ephrem, Theodoretus, Ambrosius, Augustinus, Hieronymus, Origenes, & multi alij, qui ante Gregorium extiterunt, non tantū

B

eius men-

eius mentionem fecerint, sed etiam inuocationē
& verbo & exemplo docuerint. Ne quis igitur
talibus eorum imposturis decipiatur, Patres ipsos
inspiciat, & locorum ab ipsis citatorum verba &
circumstantias sedulò expendat: facile enim fal-
litur, qui temerè credit talibus impostoribus.

*Vide Elenchum
hereti. authore
Gabriele Prae-
teolo.*

XIII. Me item ingenuè comperisse fateor, cō-
cionatores Lutheranos in multis articulis Turcis
& Mahometistis magis patrocinari, quàm Chri-
stianis: & ipsorum mores & ritus propemodum
per Cacozelian imitari & repræsentare.

*Vide Tabulam
Staphili de con-
cordia fratrum
Euangelicorū.
Concio 3. habita
1546. Tomo
4 fol. 597.
pagina 2.*

XIIII. Quòd super hæc omnia longa experi-
entia notauerim, quales fructus ipsorum fides &
religio produxerit, tales videlicet, vt quisq; quod
libet, sibi licere putet. Quæ quidem libertas car-
nis (quam tamen ipsi Christianam appellant) hoc
efficit, vt in reprobum sensum tradantur, & vt in-
ter eos omnis generis scelera vbiq; locorum sum-
ma licentia & impunitate grassentur.

XV. Quòd intellexerim quoq; omnes pene
sectas, quotquot hac nostra ætate grassantur, non
aliunde, nisi ex eiusdem Lutheri libris & doctri-
na, tanquam ex scaturigine promanasse & propa-
gatas esse.

XVI. Quòd etiam inuenerim in eius operi-
bus multas acerbissimas criminationes & conui-
tia, quibus omnes suos aduersarios proscindere
& infe-

10
& infectari, sibiq; soli omnem laudem vendicare,
& tribuere solet. Et non solū non parcit prælatis
& Theologis: sed nec quidem Romano Pontifi-
ci, Episcopis, Academijs, atq; adeò ipsi Cæsare
Maiestati, Regibus, Principibus, & alijs Imperij
ordinibus, imò etiam beatis ipsis cum Christo re-
gnantibus, vt sese verum eius præcursorem esse
demonstret, de quo nouissimis temporibus ven-
turo iam olim Daniel Propheta, & S. Ioannes in
Apocalypsi vaticinati sunt, Quòd futurus esset
rex impudens facie, qui cor suum magnificabit,
cuiq; dabitur os loquens magna & blasphemias
contra Deum, tabernaculum eius, & eos qui in
coelo habitant.

XVII. Quòd ex ipsiusmet scriptis & Tomis
perspexerim, non solū Ecclesiasticas perso-
nas, videlicet Pontificem & Episcopos, ac Aca-
demias celeberrimas, sed etiam Imperij status &
ordines, Lutheranam religionem & fidem, vt sum-
mam impietatem & hæresin manifestam, in ipso
exortu reprehensam, damnasse & proseripfisse.

XVIII. Nec parum & illud me mouisse fate-
or, quòd Lutherani concionatores vsq; adeò oc-
culati sint in peccata, & leuissimos næuos Ca-
tholicorum, vt eos non solū diligenter obserua-
re, & notare consueuerint, sed etiam eosdem pro
concione vsq; adeò exaggerare, vt ex musca Ele-

B ij

phantem

phantem facientes, vniuersum illorum ministe-
rium, & doctrinam suspectam & odiosam red-
dant. Cùm tamen è diuerso, si ex vita & mori-
bus fides & religio iudicanda est, nusquam mi-
nus, quàm apud illos veram doctrinam sonare iu-
dicandum sit, quippe qui multis modis Catholi-
corum flagitia in tam breui sui noui Euangelii
cursu superasse videantur. Nam vt de sola libi-
dine dicam, cùm ipsi Concionatores vxores du-
cant, adeò illis non contenti sunt, vt ad explen-
dam insatiabilem suam libidinem frequenter iux-
ta Lutheri doctrinam etiam ancillis abuti, &
(quod magis foedum est) aliorum vxoribus vim
afferre, commutationemq; vxorum inter se mu-
tuo instituere non erubescant. Quod tam aper-
tè de ipsis affirmare & scribere non auderem, ni-
si tamdiu inter eos versatus id certò & crebrò
cum multis aliis comperissem. Taceo quid ten-
tent frequenter inter audiendum confessiones,
quorsum tam sæpe ægritudines simulent, infir-
mos visitent, conuiuia quædam instituant. Hoc
vnicum libet referre, de quodam non infimè for-
tis concionatore, qui mecum pacisci contende-
bat de commutandis inter nos vxoribus: & ad id
faciendum quodammodo me vi cogere volebat,
cùm videret me nulla ratione in tantum scelus
velle acquiescere. Plura id genus præclara faci-
nora

nora pudor prohibet longius commemorare.

XIX. Non etiam sine falsitatis opinione paucis ab hinc annis videre potui, Lutheranorum religionem sensim collabi & intestinis dissensionibus in perniciem & interitum adduci: concionatores & Academiarum professores in mutua odia religionis causa exardescere, adeò vt nec superintendens superintendentem, nec minister ministrum, nec ædituum ferat ædituus: dominari palàm fœdas partium criminationes, aperta conuitia, & execranda anathematum fulmina: in constituenda religione cuiq; quod libet, licere: nullum esse disputationis ordinem, nullam dirimendarum controuersiarum certam & constantem regulam, nullum veritatis & fidei tutum asylum. Qua ex re grauissimæ existant necesse est & deplorandæ calamitates, & extremæ afflictarum conscientiarum desperationes.

XX. Hic etiam de barbarica illa ignorantia dicendum est, quæ paulatim inter eosdem Lutheranos ita creuit, vt vix maius incrementum sumere posse videatur. Postquam enim antesignani illorum, qui à Catholicis instituti, doctrina maiori præstabant, mortui sunt, nullus penè amplius restat, de verè solideq; doctis viris, qui causam religionis Lutheranae paulò accuratius agere, vel propugnare possit. Nam si qui sunt, qui

sibi aliquam eruditionem tribuunt, illi tamen ridiculè ineptiunt, & rhetoricantur in suis scriptis, & concionibus, ut vix operæpretium sit, eas legere vel audire. Nec tamen aliud quicquam tractant, quàm vetera suorum præceptorum mendacia, quæ iam pridem à tot scriptoribus Catholicis sunt confutata. Vnde fit ut in tanta penuria literatorum, ad administrationem verbi Dei & Sacramentorum sese ingerant leuissimi homines, perfidi Monachi, Sartores, Sutores, Cerdones, Lictores, Carnifices, & similes, ut dignum sit patella operculum, & similes habeant labra lactucas: licet nihilominus iactitent, & glorientur, se non quosuis, sed tantum perspectæ probitatis & eruditionis viros ad tractandum ministerium admittere. Contra verò maximus est virorum Catholicorum numerus, qui excellunt omni doctrinarum genere, sicut eorum libri, quos singulis annis edunt, testantur.

XXI. Quod etiam meminerim, quamplurimos ad tantam desperationem venire, ut in tanta fidei suæ certitudine & fiducia, vitam sibi ipsis non dubitent vel laqueo, vel alio supplicii genere extorquere: cuius rei apud eos frequentissima passim extant exempla, quæ quidem vanitatem doctrinæ Lutheranae in erigendis perterrefactis conscientiis (ut ipsi loquuntur) non obscure ostendunt.

stendunt. Sed talium desperationum nulla iam
me tenet admiratio, quandoquidem & extra Ec-
clesiam sunt, in qua sola vera consolatio inueni-
tur, & veris ministris Sacramentorum, veraq; ab-
solutione peccatorum destituuntur. Quare mi-
hi non fit verisimile, aliquem ex Catholicis sanæ
mentis, vlla ratione flecti, aut persuaderi in po-
sterum posse, vt à fide sua deficiat ad Lutherani-
smi impietatem, in quo vix aliud præter meram
confusionem omnium rerum, & conscientiarum
trepidationem, vel puer septimum annum egres-
sus, animaduertere & agnoscere queat. Quæ
quidem res etiam ipsos Lutheranos Conciona-
tores miris modis angit & confundit, ita vt ferè
nihil minus verum esse statuunt, quàm suam reli-
gionem & doctrinam. Ideoq; simul eam paula-
tim magis magisq; ipsimet fastidire incipiunt, vt
qui nouerint, eam verè paradoxon esse conflatum
ex longe diuersis, & non coherentibus membris,
sine verbo DEI, & contra doctrinam Christi,
Prophetarum, & Apostolorum; eiusq; promul-
gationem iusto Dei iudicio permissam esse, pro-
pter scelera & ingratitudinem mundi: nec tamen
idem dogma perpetuò mansurum, sed breui fun-
ditus interiturum esse non solum suspicantur, sed
etiam quodammodo certò sciunt, & paulò post,
perinde vt illorum maiores & antecessores hære-
tici, re

tici, re ipsa experientur. Maxima etiam pars præsertim vociferatorum & scriptorum, qui inter eos sunt, iam pridem religionem propriam vnà cum ipsa Augustana Confessione negligere, & deferere pergunt, cum videant se eam amplius defendere & tueri non posse: sicut apparet ex illis absurdis puerilibus, & ridiculis scriptis, quibus ad libros Catholicorum tam ineptè & frigide respondent. Vnde facile est coniicere, nihil præter fæces & rudera amplius apud ipsos restare, & omnia ruinam vndiq; minari.

XXII. Quòd postremò re tota bene considerata animaduenterim, me in Lutheranorum cœtu permanere, & eorum doctrinæ acquiescere non posse, nisi velim per summam impietatem simul damnare omnes pios maiores nostros, & tot sanctos Ecclesiæ Catholicæ doctores, qui ante Lutherum extiterunt. Certò enim didici eos cum Romana Ecclesia, doctrina & fide communicasse, & Romanum Pontificem pro Christi Vicario & S. Petri in Pastoralis munere successore agnouisse. Certum enim habeo (vt de aliis articulis taceam) eos Sanctorum inuocationem, Reliquiarum venerationem, & Missæ sacrificium approbasse. Certum est denique, eos in ea doctrina tuenda, & in Romanæ Ecclesiæ communionem constantes, vsque ad extremum vitæ spiritum per-

rum permanſiſſe. Lutherani autem Romanam Eccleſiam pro meretrice Babylonica, Romanum Pontificem pro Antichriſto habendum contendunt: Sanctorum inuocationem, & Reliquiarum venerationem, ac Miſſæ ſacrificium, tanquam ſummam Idololatriã execrantur. Vel itaq; profiteri oportet, omnes maiores noſtros, & Eccleſiæ doctores, ac paſtores hæreticos fuiſſe, atque ad extremum damnatos eſſe, neq; quenquam vitam æternam conſequuturum, niſi qui partes Lutheri ſequutus fuerit. Vel ſi maiores noſtri ſalui facti ſunt, conſequens eſt Lutheranos ſaluos fieri, niſi reſipiſcant, non poſſe. Nam ſine fide, eademq; vera, vna, & Catholica, impoſſibile eſt placere Deo; & conſenſu omnium, extra Eccleſiam non eſt ſalus. Eccleſiam intellige, quæ vera eſt, quæ vna, quæ à Chriſto ita ſupra petram ædificata eſt, vt portæ inferi non ſint aduerſus eam præualituræ, quæ perpetuò eſt duratura. Quod quomodo in Eccleſiam Lutheranorum conueniat, non video, cùm ea paucis ab hinc annis primum ſit exorta, & breui, ſicut non obſcurè præ ſe fert, ſit interitura. Quomodo item fides Lutherana vera eſſe poteſt, quæ neque vna eſt in ſe, ſed in tot ſectas diſſecta, neque vna cum maiorum noſtrorum & S. Patrum fide? Neque enim in toto orbe terrarum demonſtrare poſſunt, vel lo-

C

cum ali-

cum aliquem, ubi eorum fides ante Lutherum
prædicata fuerit: aut scriptorem vnicum vel au-
thorem, qui idem per omnia cum Luthero, vel
Confessione Augustana senserit & scripserit: licet
fatear, in hoc articulo cum illo hæretico, in isto
cum alio, atq; iterum alio conuenire, vt supra dixi.

XXIII. Illud quoq; me maximè permouit à
Lutheranismo ad Catholicismum transmeare,
quia Lutherani, & qui ipsos sequuntur omnes
hæretici, quod genus animantis sint, ignorare vi-
dentur, quod ex ipsorum verbis manifestè ap-
paret: Dum antiquorum patrum, & Ecclesiæ Ca-
tholicæ Doctorum expositiones sacræ scripturæ
reiicere, quoniam homines erant, & omnium
Conciliorum sententiam improbare, quoniam
ab hominibus, qui errare possunt, cogebantur,
improbare non verentur. Ipsi autem metipsis
credendum esse, atq; assentiendum existimant &
præcipiunt: immò contra eos, qui credere & as-
sentiri nolunt, irascuntur, maledicunt, excande-
scunt, & furore corripuntur. Ista seriò mecū ex-
pendens, tandem consideraui, ipsos nullatenus in-
ter se conuenire. Negant enim cuiquam homi-
num, in rebus salutis esse credendum, deinde pas-
sim immò semper sibi credendum esse conten-
dunt: consequens itaq; est satis euidens, eos non
esse homines. Sed num vituli sunt, vel asini, aut
sues, vel

ſues, vel quid ſimile, negabunt & detestabuntur:
an fortè angeli, pro modeſtia ſi quam habent, non
admittent: at dæmones, nec iſtud concedent.
Ergo in nullo genere creaturarum annumerari
poſſunt: niſi fortè ſe dæmones incarnatos fatean-
tur. Quoniam proprietates dæmonum, & car-
nis, manifeſtè ex effectibus præ ſe ferūt: ideo non
licebat mihi cum eiſmodi monſtris commerti-
um periculoſiſſimum ampliùs habere, verùm ad
Deum, qui homo factus, quantocyus com-meare.
Et ſanctis Patribus, quantumvis homines fuerint,
ſed per Chriſtum, Doctore gentium Epheſiis at-
teſtante, dati Eccleſiæ, quidam ipſorum Apoſto-
li, quidam Prophetæ, alii verò Euangeliftæ, alii
autem Paſtores & Doctores ad conſumationem
Sanctorum, in opus miniſterii, in ædificationem
corporis Chriſti, donec occurramus omnes, in
vnitatem fidei & agnitionis Filii DEI, in virum
perfectum, in menſuram ætatis plenitudinis Chri-
ſti, tutiſſimè credere. Et Conciliis, in quibus à
Patribus decernitur, quod viſum eſt Spiritui ſan-
cto, firmiſſimè aſſentiri.

XXIII. Quoniam Lutherus futura prædi-
cere & veris Prophetis annumerari voluit, nihil
minus verò effecit, hoc quoq; me ab ipſo ſecede-
re compulit, & ne adhererem falſis prophetis per-
ſuaſit. Prophetiarum ipſius nonne iſta falſiſſima

C ij

eſt. Intra

*In libello de re-
formatione.*

est. Intra paucos annos, inquit, nullum templū, Collegium, sacellum aut monasterium, nullus presbyter, monachus aut monialis, nullus item Episcopus aut Princeps sub cœlo permanere debeat. Cū eadem omnia propemodum infinita vbique terrarum integra & salua permaneant, & in nouo orbe, in annos & dies semper, Deo auctore, sanctorum Patrum & Pastorum ministerio saluari multiplicentur, & vsque ad consummationem sanctorum, omni dubio procul augebuntur: pseudoprophete vaticinio mendaci, potentiae Diuinæ, neutiquam obstante.

*In libello de
virginitate.*

XXV. Quia conscientiam meam illa doctrina D. & Magni Basilii, in quam, non puto casu, sed credo Deo inspirante, incideram, ita perterruerat, vt amplius cunctandi spatium, hæreticorum sectatoribus familiare, à Lutheranismò ad Catholicismum transmigrandi, spe salutis in me excitata, permetteret. Doctrinæ satis efficaciter in me operatæ, contextus est eiusmodi. Sicut enim sanctum atq; admirabilem Paulum, dum adhuc esset in corpore, alia quidem præcesserunt opera: cū plurimi ex his, qui propter doctrinam & conuersationem eius perfecti euasere, in æternam illum vitam præcedentes, sudorum præmia, quos pro illis pertulit, apud iustum iudicem Deum illi parauerunt: alia verò solutum carnis

vinculis

vinculis, & iam cum Christo regnantem vsq; ad
hanc diem consequuntur, eorum scilicet qui per
eum in sacris Epistolarum eius monitis se ad vir-
tutem exercentes, laudes semper ac præmia præ-
claro illi duci & præceptorî optimo hinc trans-
mittunt. Sic econtrâ alia quidem præcedunt pec-
cata eorum, qui pessimis sermonibus & operi-
bus læsi, atq; impediti à virtutis tramite, in in-
fernum præcessere, supplicia suę damnationis au-
thoribus illic paraturi: alia verò etiam sequun-
tur, eorum scilicet qui post ipsorum mortem, per
summam nequitiam & exempla pessima, quæ
mundo reliquere, dum eos imitari pergunt, ma-
ximè læduntur. Nam sicut hodie quoq; beatus
Dauid ad veram religionem & Dei cultum pro-
videntiæq; agnitionē mūdo perutilis est, & qui, p-
pter illū in religione proficiunt, huic iam ex rectè
factis suis cōsequentes ei transmittūt laudū voces.
Ita & Marcion, & reliqui hereticorū dogmatū du-
ces, quia per eam peruersitatem doctrinæ, quam
mundo inuexere, maximè nocent: cuncti, qui sa-
lutis suę damna per eos in hac vita perceperunt,
autores perditionis suæ, & si dudum vita fun-
ctos, atrocioribus illic suppliciis tradunt. Si enim
qui scandalizauerit vnum ex pusillis huiusmodi,
morte dignus iudicatur: profectò cui tam mul-
tos per vitam reprobam, quòd perniciosorum
C iij operum

operum mundo exempla reliquerit, aut in animarum perniciem falsa dogmata ingesserit, scandalizat: post mortem quoque omnium, qui sua causa pereunt, dignissimè ac iustissimè mortis reus habebitur: per singulos eorum qui sui causa hic seu vulnerantur, seu moriuntur, authore etiam vulnera mortemq; suscipiente. Hoc totum si Marcioni hæretico, nedum damnationem æternam, sed poenarum auctorem, donec errores & blasphemiae eius, in ipsius Marcionistis vigent & perdurant, efficiunt, quid aliud de Luthero & Lutheranis, timoratae conscientiae meae sentendum erat, animoq; de salute & vita æterna sollicito, censere, existimare, & definire conveniebat, quàm ne tantò periculo & damno sempiterno, sciens, volensq; cum Luthero & Lutheranis sustinendo, nunc & olim succumberem?

XXVI. Nec minus me ad Catholicismum amplectendum permouit illa sententia sancti Athanasii, Archiepiscopi Alexandrini. Nam quavis, inquit, magistri inuicem apud nos sibi succedant, nosq; illorum discipuli ab illis acceperimus, quæ sunt Christianæ fidei, nihil tamen inde obstaculi nascitur, quominus ob id & titulo & re, Christiani appellemur. Contra qui hæreticos sequuntur, tametsi mille millies successores habeant, omnes tamen nomen eius, qui primus heresin adin-

Oratione 2. cōtra Arianos.

resin adinuenit, referunt. Certè è vita exempto Ario, cùm multi ex grege illo, eius vices successionemq; susciperent, tamen omnes, qui eiusdem cum eo sententiæ fuerunt, ex Ario notas suas insigniaq; habentes, Ariani nuncupantur, quod re vera eximium & admirabile argumentum est. Nam qui etiam nũc ex gentilibus, omissa idolorum superstitione, ad Ecclesiam veniunt, non catechizantium, fideiq; rudimenta tradentium nomina, sed saluatoris in se transferunt, & pro gentilibus Christiani incipiunt appellari. Qui verò ex eodem genere, ad istos abeunt, aut ab Ecclesia ad hæresin transitum faciunt, nomen Christi derelinquunt, & Arianorum vocabulo induuntur: quasi qui non amplius fidem Christi retineant, sed Arianæ insanix gregales habentur. Hæc ille. Quæ dum Lutheranis & reliquis hæreticis sæpius accommodabam, mutato nomine, ad ipsos similem impietatem pertinere animaduerti. Itaque nolui diutius, vel ipsis gentilibus, in negotio veræ religionis imprudentior, ne dicam impudentior esse.

XXVII. Quia perterritus eram illa intollerabili blasphemia hæresiarchæ Caluini, quam legi in ipsius Institutione, impressa per Stephanum Robertum, M. D. LIII. sic ore impudenti & stylo temerario prolata. Christum sic nobis coadunatum,

Cap. 18.
Parag. 2.

adunatum, sic nos illi vicissim insertos esse, adeoq; in vnum corpus cū ipso coaluisse, vt quicquid ipsius est, nostrum vocare liceat. Hinc sequitur, vt nobis securi spondere audeamus, vitam æternam nostram esse, cuius ipse est hæres: nec regnum cœlorum, quo iam ingressus est, posse magis nobis excidere quàm ipsi: rursus peccatis nostris non posse nos damnari, quàm diu ipse non damnatur: cū ea sibi imputari voluerit, ac si sua essent. Hæc ille. Sed amice Lector, considera mecū hominis stolidi excæcatam præsumptionem, contra scripturam & rem manifestè factam, ab ipso deblateratam. Si enim non cōtingit excidisse à Christo, ipsi coadunatos, curnā Apostoli in coena Christo in sacramento accepto, ab eodem tam fuga, quàm abnegatione ipsius, exciderunt? Neque minor est ista præsumptio mēdax, peccatores non posse damnari, quàm diu ipse nō damnatur. Cū verò Christus nunquam damnabitur propter peccata, quæ non fecit, nec dolus inuentus est in ore ipsius, peccatores ergo nunq̃ etiam damnandos. Quicunq; autē vel primis labris sacram scripturam attigit, quonam modo hoc concedere potest? Præterea si pia & vera ista assertio eius fuit, cur eandem in posteriori editione eiusdem Institutionis, per eundem Stephanum Robertum, M. D. LIX. Geneuæ impressæ,

impressæ, sustulit : dum iam sex annis, eadem temeraria, mendaci, blasphema assertione plurimos dementasset, & in ignem æternum destinasset. Veritus itaq; ne talis vel similis præsumptio, tam in Luthero, quàm in Caluino, & sequacibus illorum damnabilis, sathana suggerente, me aliquando irretiret, ad Catholicismum, à præsumptionibus semper liberum, alacriter confugi : ab eodem, donec spiritus vitalis hos rexerit artus, Dei gratia adiuuante non discessurus.

XXVIII. Inconstantiam quoq; & leuitatem Lutheri, & aliorum hæreticorum, iam amplius sustinere non potui, quàm multis seculis ante me sanctus ille Athanasius Archiepiscopus Alexandriae considerauit, & ita exculpfit. Quotannis in vnum conueniunt hæretici, veluti qui tabulas pactaq; scribant, simulantq; se pro fide scripta conficere, mirè interim & fœdi & ridiculi, cum scripta eorum, non modo ab aliis, sed etiam ab ipsismet explodantur. Nam si fidere ausi fuissent, prioribus suis scriptis, non secundò scripsissent, neq; illis denuò repudiatis ad tertiam scripturam prosiliissent : prorsus studio habentes, vt rursus ea mutent, vel si pusillum temporis intercesserit, vel occasionem nacti fuerint, pro ipsorum consuetudine insidiandi. Tunc enim cum insidiis student, maximopere se simulant de fide scribere.

D

re. Ergo

*Contra Ariam,
orat : 1.*

Epistola 6.

re. Ergo dum perpetuò scribunt, suamet ipsi im-
mutantes, incertā suam fidem, vel potius certam
infidelitatem dementiamq; ostendunt: vtq; Chri-
sti perduelliones remanentes, alios in errorem
abducant. Cum istis ergo inconstantibus, &
fraudentis genis ipforum, & ingeniis fallaci-
bus, num solitò permanere, an eosdem meritò
deserere debebam, pio vnicuiq; diiudicandū re-
linquo. Simulq; sancti martyris Ignatii doctri-
nam, vnicuiq; meo exemplo imitandam propo-
no. Ne errate fratres mei, qui veritatis deser-
torem, schismaticumq; sequitur, in regni DEI
hæreditatem is minimè veniet. Quique, quem
falsa docentem sequitur, non deserit, ab hocq;
ipse fit apostata, ad gehennam is condemnabi-
tur quoq;. Nam neq; à piis discedendum est,
neq; cum impiis permanendum.

XXIX. Vt institutum meum salutare, rece-
dendi ab hæresi, & ad Catholicismum accedendi
accelerarem, sacræ scripturæ plurima loca, & SS.
Patrum gloriosa exempla, De cauendis hæreti-
cis, & nisi cauerimus suppliciis propterea susti-
nendis, passim annotata me extimularunt. Quo-
rum notitiam, vt in promptu quisq; habeat, ea-
dem prout interim succurrunt, hîc annotabo.

Deut: toto Cap. 13.

Inter alia verò hoc. Prophetas fictores somnio-
rum, &

rum, & inducentes impietatem, etiam si fratres fuerint, aut filius tuus vel filia, siue vxor quę in sinu tuo, aut amicus, quem diligis vt animam tuam, non acquiescas eis : nec audias, neq; parcat illi oculus tuus, vt miserearis & occultes eum; sed statim interficies. Sit primum manus tua super eum, & post te omnis populus mittat manum. Lapidibus obrutus necabitur, quia voluit te abstrahere à Domino Deo tuo.

Hier: toto Cap. 25.

Inter cætera hoc. Nolite audire verba prophetarum, qui prophetant vobis, & decipiunt vos, visionem cordis sui loquuntur, non de ore Domini. Non mittebam prophetas, & ipsi currebant: non loquebar ad eos, & ipsi prophetabant. Propterea ego tollam vos portans, & derelinquam vos, & ciuitatem quam dedi vobis, & patribus vestris, à facie mea, & dabo vos in obprobrium sempiternum, & in ignominiam æternam, quæ nunquam obliuione delebitur.

Matth; 7. & 16. atque 26.

Attendite à falsis prophetis, qui veniunt ad vos in vestimentis ouium, intrinsecus autem sunt lupi rapaces : à fructibus eorum cognoscetis eos.

¶ Cauete à fermento Phariseorum & Saduceorum, non

rūm, nō à fermento panum, sed à doctrina Phari-
seorū & Saduceorum. ¶ Videte ne quis vos sedu-
cat, multi enim venient in nomine meo, dicentes:
Ego sum Christus, & multos seducēt. Surgēt pseu-
dochristi & pseudopphetæ, & dabunt signa magna
& pdigia, ita vt in errorē inducantur etiā electi.

Vas electionis D. Paulus. Acto: 20. apud Ephesianos.

Attendite vobis & vniuerso gregi, in quo vos
Spiritus sanctus posuit Episcopos, regere Eccle-
siam DEI, quam acquisiuit sanguine suo. Ego
scio, quoniam intrabunt post discessionem me-
am lupi rapaces in vos, non parcentes gregi. Ex
vobismetipsis exurgent viri loquentes peruersa,
vt abducant populos post se, propter quod vi-
gilate. ¶ 2. Corin: 11. Nam eiusmodi pseu-
doapostoli, sicut operarii subdoli, transfiguran-
tes se in apostolos Christi, non mirum, ipse enim
sathanas transfigurat se in angelum lucis: non est
ergo magnum, si ministri eius transfigurentur,
veluti ministri iustitiæ, quorum finis est secun-
dum opera ipsorum. ¶ Galat: 4. Licet nos
aut angelus de cœlo euangelizet vobis, præter-
quam euangelizauimus vobis, anathema sit.
¶ Philip. 3. Eadem vobis scribere mihi qui-
dem non pigrum, vobis autem necessarium. Vi-
dete canes, videte malos operarios, videte con-
cisionem.

cisionem. ¶ 1. Timoth. 6. Si quis aliter docet, & non acquiescit sanis sermonibus Domini nostri Iesu Christi, & ei quæ secundum pietatem est doctrinæ, superbus est, nihil sciens, sed languens circa quæstiones & pugnas verborum: ex quibus oriuntur inuidiæ, contentiones, blasphemias, suspensiones malæ, conflictationes hominum mente corruptorum, & qui veritate priuati sunt, existimantiū quæstum esse pietatem. ¶ 2. Tim. 2. Sermo eorum vt cancer serpit, ex quibus est Hymenæus & Philetus, cui à veritate exciderunt. ¶ Tit. 3. Hæreticum hominem, post vnā & secundam correptionem deuota: sciens quia subuersus est, qui eiusmodi est, & delinquit, proprio iudicio condemnatus.

Dilectus Christi. 1. Ioan: 2.

Filioli, nouissima hora est, & sicut audiuiſtis, Antichristus venit, & nunc multi Antichristi facti sunt, vnde ſcimus quia nouissima hora est. Ex nobis prodierunt, sed non erant ex nobis: nam si fuissent ex nobis, permansissent vtiq; nobiscum.

¶ 1. Ioan: 4. Charissimi, nolite omni spiritui credere, sed probate spiritus si ex Deo sunt: quoniā multi pseudoprophetæ exierunt in mundum. In hoc cognoscitur spiritus Dei: omnis spiritus qui confitetur Iesum Christū in carne venisse, ex Deo

D iij

est: &

est: & omnis spiritus qui soluit Iesum, ex Deo non est, & hic est Antichristus, de quo audiistis quoniam venit, & nunc iam in mundo est. ¶ 2. Ioan. Qui permanet in doctrina Christi, hic Patrem & Filium habet. Si quis venit ad vos & hanc doctrinam non adfert, nolite recipere eum in domum, nec aue ei dixeritis. Qui enim dicit ei aue, communicat operibus eius malignis.

Princeps Apostolorum. 2. Petr: 2.

Fuerunt verò pseudoprophetae in populo, sicut & in vobis erunt, magistri mendaces, qui introducunt sectas perditionis: & eum qui emit eos, Dominum negant, superinducentes sibi celerem perditionem. Et multi sequuntur eorum luxurias, per quos via veritatis blasphemabitur: & in auaritia fictis verbis de vobis negotiabuntur: quibus iudicium iam olim non cessat, & perditio eorum non dormitat. Sed scripturam sacram Patres iam subsequantur.

D. Cypria: Libro 1. Epist. 3.

Nulla cum haeticis commertia copulentur, nulla cum eis conuiuia vel colloquia misceantur, simusq; ab eis tam separati, quàm sunt illi ab Ecclesia profugi. Quia scriptum est. Si autem & Ecclesiam contempserit, sit tibi tanquam ethnicus &

cus & publicanus. Et beatus Apostolus non monet tantum, sed iubet à talibus vt recedatur. Precipimus, inquit, vobis in nomine Domini Iesu Christi, vt recedatis ab omnibus fratribus ambulanti- bus inordinatè, & non secundum traditionem, quam acceperunt à nobis. Nulla societas fidei & perfidiæ esse potest. Qui cum Christo non est, aduersarius Christi est: qui vnitati & paci eius inimicus est, nobiscum non potest coherere. ¶ Idem de simplic. prælat. tractat. 3. Quid facit in pectore Christiano luporum feritas, & canum rabies, & venenum lethale serpentum, & cruenta sæuitia bestiarum? Gratulandū est dum tales de Ecclesia separantur, ne columbas, ne oues Christi, sæua sua & venenata contagione prædentur. Coherere & coniungi non potest, amaritudo cum dulcedine, caligo cum lumine, pluuia cum serenitate, pugna cum pace, cum fœcunditate sterilitas, cum fontibus siccitas, cum tranquillitate tempestas. Nemo existimet bonos de Ecclesia posse discedere. Triticū non rapit ventus, nec arborem solida radice fundatam procella subuertit: inanes paleæ tempestate iactantur, inualidæ arbores turbinis incur- sione euertuntur.

Euf: Pamph: Ecclesiast: hist: lib 4. cap. 14.

Sunt qui ex Polycarpo discipulo S. Ioannis E-
uangelistæ

uangelistæ audiuerunt: Ioannem discipulum Dñi, cum Ephesum balneum esset, balneandi gratia, ingressus, inq; illo Cerintum vidisset, mox illotum egressum dixisse. Fugiamus, ne balneum corruat, in quo Cerintus veritatis inimicus lauat. ¶ Ipse quoq; Polycarpus, cum ei Marcion in conspectu veniret & diceret. Nosce nos. Respondit. Nosco, inquit, nosco primogenitum Sathanæ. Tanta (ad- iecit Nicephorus) Apostoli & discipuli eorum religione fuerunt, vt ne verba quidem communi- carent cum quopiam eorum, qui veritatem adul- terant atq; deprauant.

Idem de vita Constantini Imperatoris lib. 3.

Victor Constantinus Maximus Augustus hæ- reticis. Agnoscite nunc per hanc legis constitu- tionem, ô Nouatiani, Valentiniani, Marcionistæ, Pauliani, & qui Cataphrygæ vocamini, & quot- quot in vniuersum hæreses vestris coetibus cõsti- tuitis: quantis sit mendaciis vanitas vestra intri- cata, & quomodo venenatis quibusdam pharma- cis doctrina vestra contineatur, ita vt per vos, fa- ni ad infirmitatem, viuentes verò ad perpetuam mortem abducantur. O veritatis inimici, vitæ ho- stes, & perditionis consiliarij. Omnia sunt apud vos veritati contraria, ac turpibus malitiæ studiis & absurdis admodum fabulis consona: per quæ vos men-

vos mendacia struitis & infantes perimitis, lucem
fidelibus negatis, sub prætextu diuinitatis semper
delinquentes: omnia polluitis, innoxias ac puras
conscientias, lethiferis plagis vulneratis, ac ipsam
propediem, vt ita dicam, humanis oculis abripitis.
Et quid necesse est singula recensere, cum de malis
vestris aliquid pro dignitate loqui, neq; modici
sit temporis, neq; negotiorum nostrorum. Sunt e-
nim absurditates vestræ, ita prolixè & immodicè,
ita, si explicentur, omnis generis feritate refertæ,
vt ne integer quidem dies ad enarrationem earum
suffecerit. Et alioqui auditum etiam huiusmodi
declinare, & oculis auertere conuenit, ne si cuncta
singulatim recenseantur, syncerum ac purum fidei
nostræ propositum polluatur. Quid igitur? Tol-
lerabimúscne posthac huiusmodi mala? At longa
expectatio facit, vt etiam sani, quasi pestifero quo-
dam morbo inficiantur. Qua ergo ratione radi-
ces, vt ita dicam, huiusmodi nequitie publica a-
nimaduersione, non amputamus? Igitur quoniam
impossibile est, vt amplius perniciiei vestræ exiti-
um feratur, per hanc legem interdiciamus, ne qui
vestrum congregari audeant. Quapropter cun-
ctas etiam domos, in quibus conuenitis, è medi-
o tolli præcipimus, cura hac nostra eo vsq; pro-
grediente, vt non modo non in publico, verum
neque in priuatis ædibus, aut locis quibusdam se-
paratis,

paratis, superstitiosæ vestræ dementiæ coetus cō-
currere liceat: sed, quod multò est honestius, quot-
quot veræ ac puræ religioni studetis, ad Catholi-
cam Ecclesiam accedatis, & sanctitati illius com-
municetis: per quam & veritatem consequi pote-
ritis. Separetur autem omnino à status nostri fe-
licitate, peruersæ sententiæ vestræ seductio, hoc
est, scelestæ & perniciose hæreticorum & schisma-
ticorum sententia. Decet enim felicitatem no-
stram, qua cum Deo fruimur, vt qui bonis spe-
bus viuunt, ab omnis generis inordinato er-
rore ad rectam viam, à caligine ad lucem, à va-
nitate ad veritatem, à morte ad salutem ducan-
tur. Vt autem ad hanc curam etiam necessaria
potentia accedat, præcipimus, sicut dictum est,
vt cuncti superstitionis vestri conuentus, omni-
um, inq̃, hæreticorum oratoria, si tamen orato-
ria nominare conuenit, sine omni contradic-
tione auferantur, & Catholicæ Ecclesiæ absq; vlla mo-
ra tradantur, & reliqua loca, rebus publicis adiudi-
cetur: nec vlla prorsus vobis deinceps cōuenien-
di facultas relinquatur: ita vt ab hoc præsentī die,
nullo loco siue publico siue priuato, infandi vestri
cōuentus, congregari præsumantur. Ita D. Impe-
rator Constantinus cauebat sibi & suis à cōuersa-
tione cū hæreticis. Sed hæc de cauendis hæreticis,
ex sacra scriptura & patribus interim sufficiant.

Theodo-

Volebat aliquando lauare Arianus, sed Christianifideles vti secum communi balneo noluerunt. Et dū ex balneis abiit, ipsi hæretica abominatione aquas etiam contactas rati, ipsas quidem in cloacas emisere, & recentem parari iubent. ¶ Libro 4. cap. 15. Pueris Samosatæ, ludentibus pila in foro, delectationis gratia, dum Lucius Episcopus Samosatensis Arianus per illud forum iter faceret, accidit vt vni pila elapsa, per asini ipsius pedes volueretur, tum exclamauerunt pueri, contaminatam esse pilam arbitantes: & igne accenso, traiecerunt per flammam pilam, ita credentes eam lustrari. Vnde facilis coniectura fuerit de odio, quo ciuitas illa Arianam factionem persecuta fuit.

XXX. Sed neq; minus me ab hæresibus secedere, & Catholicis adherere permouit, cuiuspiam bene docti & pii Theologi tabella, mihi ab amico exhibita. Quam cum inspexi, & diligenter expendi, partim gauisus sum ex iis, quæ in eadem sunt iucunda, partim exhorruui ab istis, quæ continet tristitia. Ac eam ipsam, etiam intuendam omnibus, meam resipiscentiam & conuersionem imitaturis, hîc profero.

THEATRVM MVNDI

ex verbo Dei & sacrae scripturae vera-
ci testimonio.

COELVM.

SS. Trinitatis &
individue unita-
tis Divinae.

{ Iesu Christi Emanu-
elis & beatorum
Angelorum. }

} Christianorum
Catholicorum,
& resipiscen-
tium.

Est sedes gloriosissima
nunc & semper in sae-
cula seculorum.

TERRA.

Peregrinatio à coe-
lesti patria deside-
ratissima.

{ Militia contra car-
nem, diabolum, mū-
dum laboriosissima. }

} Officina virtutum
omnium & vicio-
rum spaciosissima.

Est intermedium opti-
mæ & pessimæ aterni-
tatis future.

INFERNVS.

Demonum &
Antichristi seme-
per versuti.

{ Hereticorum & Schis-
maticorum cum sequa-
cibus ipsorum. }

} Iudeorum, Paga-
norū, Apostatarū
impœnitentium.

Est carcer teterrimus,
ignis doloris, fletus stris-
doris perpetui plenus.

QVI VERE ET SERIO SAPIS.

Primum semper appetas re fruaris.

Medium posside ne aeterno priueris.

Extremum caueas ne iuste crucieris.

Quod

Quod quidem Theatrum si penitius & synce-
rè examinetur, est breuiarium totius Euangelii,
compendium ex Apostolorum epistolis, tota A-
pocalypsis abreuiata, Patrum lucubrationes sum-
matim expressæ: sed ex parte ista, qua hæreses
complectitur, & inferno ascribit, erat mihi, pro-
ut semper erit, formidandum.

XXXI. Quia ritum cœnæ illius sacratis-
simæ Domini nostri Iesu Christi per Catholi-
cos celebratum, Lutheranus existens, contemne-
bam, odio habebam, & persequebar idcò, quòd
contra Christi intentionem & institutionem, atq;
Apostolicam functionem sub vna tantùm specie
corporis, subtracta altera specie sanguinis, mul-
titudini plebis dispensatum esse considerabam.
Factus autem Catholicus, ea de re cum Catholi-
cis conferendo, tandem comperi, me Luthera-
nis vsq; adeò adherentem, cum salutis meæ di-
scrimine, ad placitum ipsorum corruptum, vehe-
menter aberrasse. De cœna enim Domini Eu-
charistica, deinceps comperi, eundem bis habu-
isse sermonem: alterum ad multitudinē magnam,
trans mare Gallileæ, inter cætera sic. Ego sum
panis viuus qui de cœlo descendi. Si quis man-
ducauerit ex hoc pane, viuet in æternum: & pa-
nis quem ego dabo, caro mea est pro mundi vi-
ta. Alterum verò sermonem ipsum habuisse in
extrema illa & passioni proxima cœna, non ad

Ioan: 6.

multitudinem, sed tantū ad Apostolos duodecem,
 cum quibus sedebat, & cœnam illam suam desi-
 deratissimam manducabat; cuius quidem sermo-
 nis hæc verba fuerunt. Et accepto pane gratias
 egit & fregit, & dedit eis dicens: Hoc est cor-
 pus meum, quod pro vobis datur, hoc facite in
 meam commemorationem. Similiter & calicem
 postquam cœnauit dicens: Hic est calix nouum
 testamentum in meo sanguine, qui pro vobis fun-
 detur. Dum vtrunq; horum sermonum Christi,
 cum Catholicis meis consero, hoc primum con-
 spicio, quia priori, aliud esse dictum plebis mul-
 titudini, posteriori verò duodecem Apostolis:
 sed tamen in eundem finem. Plebis multitudi-
 natus est panis viuus, cœlestis, mannæ patribus
 datæ neutiquam æquiparandus: primò ad com-
 memorationem passionis, deinde ad vitā aternā
 acquirendā & vtifruendam. Præter ea autem Apo-
 stolis futuris tandē sacerdotib⁹, vtrūq; hoc quidē
 collatū, sed quod multò maius est, ipsis concessum
 verbis illis, **HOC FACITE**. Quod sancti patres
 dono interpretationis scripturarum definiuerunt,
 id est, representate passionem Christi, consecrate,
 offerte & sacrificare. Vnde manifestè constat, ple-
 bem, seu seculares, bene esse contentam debere v-
 na specie cœnæ Domini Eucharisticæ, cum eidem
 primo sermone commemoratio passionis Christi
 pro mundi vita perpessæ, illaq; vita æterna eadem
 passione

passione meritoria tribuatur. Sacerdotib⁹ autem
Apostolicis vtrinq; speciē separatim esse perci-
piendam ideò, quia sacrificium Iesu Christi repre-
sentant, in quo sanguis à corpore tūc separatus fu-
it. Neq; laudabili cōsuetudini hoc obstare potest,
quia D. Paulus Corinthiis sub vtraq; specie hoc
sacramentū Eucharistiæ seu cœnæ Domini admi-
nistrabat: quia in illa infantia Ecclesiæ, hoc ple-
runq; fiebat, quod esse interim vtile pōtuit, non
quod meritò fieri debuit. Huius inter alia exem-
plum est notissimum, ille baptismus Apostolorum
quem conferebant in nomine Iesu, non autem in
nomine Patris & Filii & Spiritus sancti, secūdū ex-
pressum mandatū Christi. Quod an hoc modo fie-
ri poterat, scio negaturos pusillanimes, sed frustra.
Hocq; ideo: quia ab Apostolis prudentissimè fa-
ctū & institutū illud, quod maximè ad Christū tūc
cognoscendū pertinebat, Apostolorum successo-
res, vsq; ad consummationem Sanctorum futuri, si
hoc imitantur in cœnæ Dñi alterius tantū speciei
distributione secularibus, non peccant. Presertim
dum nō vnū, sed vtrunq; premissum sermonē Chri-
sti, in eadem materia ab ipso factū, cōsiderant. Ra-
tionabiliter ergo factū est, ideò plebem seu omnes
seculares debere esse cōtentos vna specie, quia ex
eadem hoc quod ipsorū est, percipiunt cōmemora-
tionē passionis Christi, & vitam aternā: quod am-
plius in eadem cœna fit, ad illos nō pertinet, vide-
licet

licet consecrare, representare, sacrificare : quoniā
non secularium, sed sacerdotū hoc proprium est.
Ex hoc vno meo cum Catholicis pio discursu, plu-
rimū fui confirmatus ad Catholicismum, & ma-
ximè labefactatus ad sequendum Lutheranismum
vel quemuis hæreticismum. Confirma hoc Deus
quod operatus es in nobis.

XXXII. Existens Lutheranus, in perfequen-
da Ecclesia Catholica, illud mihi vnicum dele-
ctabile erat, vt signum crucis Papistis, vt tunc di-
cebam, semper & ubiq; vsitatissimum negligere-
rem, odio haberem atq; per omnem occasionem
mihi & meis abominabilem redderem: tanquam
characterem aliquem magicum & figmentum ho-
minum superstitiosorum: magis diabolo in ne-
cromantia ipsius accepto, quàm Deo, in ceremo-
niis Ecclesiasticis grato. At cum ex Tertulliano,
Origene, & SS. Cypriano, Ambrosio, Hiero-
nymo, Augustino, Chrysostomo, Hilario, Grego-
riis, Athanasio, Cyrillo, virtutes eius, & pluri-
mos eisdemq; admirabiles legi effectus, & me-
cum seriò expendi, statim hoc ipsum signū admira-
tus & exosculatus sum, illudq; mihi impressi. Cum
autem inquirerebam & disquirebam vnde nam tan-
ta virtus characteri inesset, Deo dirigente, creden-
dum est, me accepisse inter alios librū Confessio-
nis Catholicae, Illustris. olim Cardinalis Stanislai
Hosii Poloni, cap. 10. signi crucis, ex Innocentio
Papa,

Papa, hoc nomine III. in libro 2. de sacri altaris
myfterio, iucundiffimam designationem eiufmo-
di. In cru ✝ ce videtur totius fidei noſtræ com-
pendium contineri. Tribus enim digitis in vnum
coniunctis, ſignificatur SS. Trinitatis & eiufdem
vnitatis myſterium. Ducitur verò altera pars ſeu
linea crucis, à vertice capitis, ſiue frontis, vſq;
ad vmbilicum, vt indicetur, ex hac Trinitate &
vnitate Diuina, de ſummo cœlo egreſſio in vi-
ſcera matris, & incarnatio illa ineffabilis Filii
Dei, vt ex puriſſimis ſanguinibus illius, carnem
noſtram ſuſciperet. Deinde à ſiniſtro brachio
ad dextrum, altera pars ſeu linea cru ✝ cis con-
tinuatur, vt cauſa eius incarnationis exprima-
tur. Nam propterea de cœlo in ter-
ram, propterea reliquit domum ſuam, dimiſit
hæreditatem ſuam, dedit animam ſuam in ma-
nus inimicorum ſuorum, vt nos qui eramus à ſi-
niſtris inter hoedos collocandi, transferet ad dex-
tram inter oues ſuas, vbi vocem illam deſidera-
tam audire nobis liceret: Venite benediſti pa-
tris mei, poſſidete paratum vobis regnum à con-
ſtitutione mundi. Talis & tanta meditatio my-
ſterii ſanctæ cru ✝ cis, & eiufdem per Catholi-
cos pios ad capita veræ fidei applicatio, non po-
teſt nec debet dici ſimplex character, non magi-
ca aut necromantica nota. Et quoniam dæmo-
nes credunt & contremiſcunt ad hoc ſymbolum
fidei,

fidei, quomodo subsistere poterunt, & ipso conspecto nō statim cū suis machinationibus fugere. Ideoq; dæmones & præstigia ipsorum apud Lutheranos & hæreticos habent locum, quia mysterium sanctæ crucis contemnunt, odio habent, & à se excludunt. Ideò quoq; & Catholici simplices, contra dæmones & aduersa quæq; sæpe nō prævalent: quia figuram tantū facere solent, sed hoc mysteriū eius, quod in se continet, non meditantur. Ego vt, quod verum est, ingenuè fatear, diabolus mihi diuerso modo persuadentē, & vt in Lutheranismō permanerem variè sollicitū, Catholico hoc more, signū crucis mihi imprimendo, insidias & tela nequitie eius, per gratiā Dei, toties & cum profectu corporis & animæ superaui. Agite ergo Lutherani, hæretici omnes sapite, vt sequamini exemplum meū, hac quoq; in re, vt mihi ita & vobis futurum salutiferum. Cauete ne tam in iis, quæ adduxi, amplius hæreatis & diutiùs erretis, quàm in reliquis vestris deliriis, per Antichristū vobis inductis, sitis iusto Christi iudicio in æternum damnabiles.

XXXIII. Ad easdē causas hætenus inductas, hæc quoq; accessit. Quia in legendo breui quidē sed deuoto libello, D. Ephrām Syri, De armatura spirituali, ex eodem, quid post consummationem nostri, & quid in consummatione mundi, nobiscū futurū sit, cognoui, quod ibidē ita expressum legi, Quo animo nos esse oportet in extremo iudicio?

Quale

26
Quale nos gaudiū excipiet, cū ad dexteram Regis separabimur? Quanto exultabimus gaudio, cum amplectentur nos iusti omnes? Illic nos amplexu suo refouebunt, Abraam & Isaac & Iacob, Moyses, Noë, Iob & Dauid, Prophetæ sancti & Apostoli, & Martyres, omnes deniq; sancti, qui Deo placuerunt, cū in carne præter carnem uiuerent: atq; salutabunt te, exultantes in salute tua. Quales nos tunc futuros existimamus, cum dicet Rex his qui erunt ad dexteram, verba illa lætitiæ & suauitatis plena. Venite benedicti Patris mei, possidete paratum vobis regnum à constitutione mundi. Cogita postea etiam perditionem peccatorum, qualis eos confusio apprehendet, quando sistentur tribunali horrendo, coram iustissimo iudice, nullam habentes excusationis viam: cum loquetur ad eos in ira sua, & in furore suo conturbabit eos dicens: Ite maledicti in ignem æternum, qui paratus est sathanæ & angelis eius. Heu qualis ille locus est, vbi fletus & stridor dentium resonat, quem ipse quoq; sathanas horret? Quam horrenda & terribilis illa vox futura? Si in vnum colligantur omnia tonitrua & fulmina, quæ ab initio mundi hætenus vsque fuerunt, & deinceps ad consummationē eiusdem mundi futura sunt, vnumq; simul sonitum faciant, non tam ille horrendus & terribilis fieret, quàm iste erit. Si euenient ista peccatoribus, quantò

magis hæreticis, qui fidem nudam, informem, ad iustificandum iactant, opera bona, peccatorum virtus reprimentia, flocci faciunt. Si ergo hic S. pater me sua doctrina hac salutari ad resipiscendum & heresin deferendam permouit, idem, ut mei tunc similibus efficiat, ex animo pro charitate Christiana eisdem opto & efflagito.

Quare ex huiusmodi omnibus causis, pro ingenij & doctrinae mediocritate inductis, mihi nulla ratione salutem meam negligendam esse duxi, sed ad antiquam, veram Ecclesie castra mihi esse conuolandum: in qua tot sancti, & præclari maiores nostri sanctè & pie usque in finem militarunt: ubi sunt veri pastores, ubi verum Dei verbum annunciat, vera Sacramenta administrantur, verus Dei cultus viget, & vera salus expectanda est. Ad veram itaque salutem, salutaremque veritatem sectandam omnes eodem errore, quo ego fui, fasci-natos inuito: Deumque precor, qui dixit, De tenebris lumen splendescere, ut veritatis suae luce, eorum mentes illustrare, & ad salutis suae portum dirigere & perducere sua benignitate dignetur, ut fiat vnus ouile, & vnus pastor, & seruemus in vna spe vocationis nostrae vnitatem Spiritus in vinculo pacis,

A M E N.

